



ADMINISTRACIÓN LOCAL

MUNICIPAL

NARÓN

Organización e RR.HH.

Bases específicas e convocatoria dunha praza de oficial electricista incluída na OEP extraordinaria estabilización 2023

A Xunta de Goberno Local, na sesión ordinaria que tivo lugar o día sete de novembro de dous mil vinte e catro, adoptou entre outros, o acordo seguinte:

Aprobar as seguintes bases específicas do concurso-oposición para a provisión dunha praza de funcionario/a de carreira, oficial electricista, incluída na oferta de emprego público extraordinaria por estabilización para 2023 :

BASES ESPECIFICAS DO CONCURSO OPOSICION DUNHA PRAZA DE OFICIAL ELECTRICISTA INCLUÍDA NA OEP EXTRAORDINARIA ESTABILIZACION 2023

Primeira- Obxecto da convocatoria

1.1.- Aspectos xerais da convocatoria .-Convócase o proceso selectivo para cubrir unha praza correspondentes ao grupo C, subgrupo C2 , polo sistema xeral de concurso-oposición, segundo determina o apartado 4 do artigo 20.uno da Lei 31/2022 de 23 de decembro de Orzamentos xerais do Estado para 2023.

- Praza de oficial electricista . Escala Administración especial, Subescala: servicios especias. Oficios
- Número de prazas que se convocan.- 1
- Dotación económica.- As retribucións correspondentes ó Subgrupo c2 nivel 14, segundo os acordos adoptados pola Corporación ó respecto.
- Sistema de provisión.- concurso oposición.
- Titulación esixida.-
 - o Titulación Graduado en educación secundaria obrigatoria ou equivalente.
 - o Carné de conducir clase B
- Requisitos dos/as aspirantes.- Os que se determinan nas bases xerais,
- Carné de conducir
- Misión do posto

Realizar as tarefas vinculadas á construción, amañó e mantemento de servizos básicos, tanto de vía pública como en dependencias municipais, manter a orde e facilitar as tarefas desenvolvidas polas brigadas, segundas as directrices dos superiores xerárquicos e dentro dos obxectivos da organización
- Funcións do posto de traballo
 - I. Realizar tarefas de mantemento das instalacións e equipamentos municipais
 - II. Controlar o correcto estado das instalacións e equipamentos
 - III. Realizar o control do material e o seu transporte.
 - IV. Substituír ao superior xerárquico en caso de ausencia.
 - V. Dar soporte ao equipo xeral de mantemento municipal
 - VI. Velar pola seguridade e saúde no seu traballo da cordo coa normativa de riscos laborais
- Documentación a presentar xunto coa instancia.- (non será necesario acreditar os datos que consten no Concello de Narón, pero deberán ser alegados para a súa comprobación pola Administración deste Concello)
 - o Fotocopia compulsada do DNI
 - o Fotocopia da titulación esixida.
 - o Fotocopia do carne de conducir

- o Xustificante de pago dos dereitos de exame
- o Fotocopia compulsada dos méritos alegados, no seu caso.
- Dereitos de exame.- .17,21€
- Composición do tribunal.- O tribunal estará composto por:
 - Presidente (titular e suplente)
 - o Un funcionario/a municipal.
 - Vocais (en número de tres titulares e suplentes).-
 - o Funcionario/as de calquera administración pública.
 - Secretario/a (titular e suplente).
 - o Funcionario/a de carreira de calquera Administración Pública

1.2 Esta convocatoria rexeráse polo previsto nestas bases e nas bases xerais da oferta pública de emprego 2023 e, en defecto de norma aplicable, estarase ao establecido no Real Decreto 896/1991 de 7 de xuño que aproba as regras básicas e programas mínimos aos que debe axustarse o procedemento de selección dos funcionarios de Admón. Local; O Real Decreto 364/1995 de 10 de marzo que aproba o Regulamento Xeral de Ingreso do Persoal ao servizo da Administración xeral do Estado .

1.3 De conformidade co establecido pola normativa vixente en materia de protección de datos persoais, os facilitados por quen concorran á presente convocatoria serán tratados polo Concello de Narón e incorporados no sistema de tratamento «Recursos Humanos», coa finalidade de xestionar e tramitar o proceso de selección obxecto da mesma, finalidade baseada principalmente na necesidade de dar cumprimento ao estipulado na Lei Orgánica 3/2018, do 5 de decembro, de protección de datos persoais e garantía dos dereitos dixitais

Os datos poderán ser comunicados a outras entidades públicas en cumprimento da normativa laboral, de seguridade social e tributaria e a calquera outra entidade no caso de que exista obriga legal.

Os/as interesados/as poderán exercer os seus dereitos de acceso, rectificación, supresión e portabilidade dos datos, de limitación e oposición ao seu tratamento, así como a non ser obxecto de decisións baseadas unicamente no tratamento automatizado dos seus datos, cando procedan, e dispoñen de información adicional sobre o exercicio destes e outros dereitos, en relación cos seus datos persoais, na sede electrónica municipal : www.sedelectronica.naron.es

Segunda- Procedemento de provisión

Conforme ao previsto no RD 364/1995, do 10 de marzo, polo que se aproba o regulamento xeral de ingreso do persoal ao servizo da administración xeral do estado e de provisión de postos de traballo e promoción profesional dos funcionarios civís da administración xeral do estado e o establecido no RD 896/1991 de 7 de xuño polo que establecen as regras básicas e os programas mínimos a que debe axustarse o procedemento de selección dos funcionarios da administración local , o sistema será de concurso-oposición

Terceira- Solicitudes

3.1. Poderanse solicitar a praza convocada nestas bases, sempre que se reúnan os requisitos establecidos na presente convocatoria.

3.2. As solicitudes para tomar parte no concurso-oposición, dirixiránse á Sra. Alcaldesa- Presidenta, e se axustarán ao modelo publicado na Sede electrónica municipal [www.sedelectronica.naron](http://www.sedelectronica.naron.es) (no apartado “información municipal” -“Oferta Pública de Emprego” “Concurso-oposición”, e presentaranse no prazo de 20 días naturais a contar desde o seguinte ao da publicación da presente convocatoria no «Boletín Oficial do Estado» a través da propia sede electrónica, ou nas oficinas a que se refire o artigo 16 da Lei 39/2015, do 1 de outubro, do procedemento administrativo común das administracións públicas.

3.3. Coa solicitude presentaranse os seguintes documentos con carácter xeral:

- Solicitude de participación modelo oficial
- Copia do DNI
- Copia da titulación esixida , Titulación Educación secundaria obrigatoria (ESO) ou equivalente e Carné de conducir
- Relación de méritos con acreditación dos mesmos
- Declaración de non ser separados de calquera das administracións públicas: «Declaro non ser separado mediante expediente disciplinario do servizo de calquera das Administracións Públicas ou dos órganos constitucionais ou estatutarios das Comunidades Autónomas, nin atoparme en situación de suspensión firme de funcións, nin

acharme en inhabilitación absoluta ou especial para o desempeño de emprego ou cargos públicos por resolución xudicial, comprometéndome a comunicar á autoridade competente calquera cambio que se produza neste sentido na miña situación persoal.»

Ademais, deberase acompañar á solicitude:

1. Acreditación de posuír a titulación de galego correspondente a CELGA 3

No suposto de non estar en posesión do título de CELGA correspondente á praza a que se opta, deberán realizar proba de nivel de galego que se cualificará de apto/non apto. De resultar “non apto” quedará eliminado/a da presente convocatoria

2. Os/as funcionarios/as con algunha discapacidade deberán facelo constar na propia solicitude, así como o tipo de adaptación que necesitan para o desempeño do posto de traballo, a efectos do disposto no artigo 10 do Real Decreto 2271/2004, do 3 de decembro, debendo acompañar un informe, expedido polo órgano competente na materia, que acredite a procedencia da adaptación e a compatibilidade co desempeño das funcións que teña atribuído o posto ou postos solicitados. En calquera caso, a compatibilidade co desempeño das funcións propias do posto de traballo valorarase tendo en conta as posibilidades de adaptacións que se poden realizar no mesmo.

Unha vez finalizado o prazo de presentación de instancias, as solicitudes formuladas serán vinculantes para o/a petionario/a, sen que poidan ser obxecto de modificación, aínda que poderá aceptarse polo Tribunal aclaración aos méritos previamente alegados.

Cuarta- Condicións de valoración da fase de concurso

4.1. Os requisitos, méritos e calquera outros datos alegados polos/as solicitantes deberán estar referidos á data de terminación do prazo de presentación de solicitudes.

4.2. O desempeño de postos computarase por meses ou quincenas naturais completas, ata o último día do prazo de presentación de instancias, inclusive.

Quinta. Proceso selectivo

O proceso selectivo constará de dúas fases: unha fase de oposición e outra de concurso de méritos.

FASE DE OPOSICION: De carácter obrigatorio e eliminatorio.

Constará dun único exercicio, agás os obrigados a facer a proba de galego

Primeiro exercicio: Obrigatorio e eliminatorio

Consistirá en contestar por escrito no tempo máximo de 90 minutos un cuestionario composto por 60 preguntas con catro respostas alternativas cada unha relativas ao temario que figura como Anexo I destas bases. Solo unha das respostas será correcta,.

Este exercicio avaliarase de 0 a 60 puntos, sendo eliminados aqueles aspirantes que non consigan a puntuación mínima de 30 puntos. Cada pregunta correcta terá un valor de 1 punto. Cada pregunta incorrecta terá un valor negativo de -0,25. As preguntas en branco non penalizan.

Preguntas de reserva .-Os opositores deberán responder igual a 10 preguntas de reserva a utilizar polo tribunal no suposto de impugnación e posterior anulación dalgunha das 60 preguntas nas que consiste o presente exercicio. No caso de que a impugnación e anulación consiga un número de preguntas superior ás 10 establecidas como de reserva, a puntuación mínima e a valoración alterarase proporcionalmente a tal circunstancia.

A plantilla correctora deste exercicio se fará pública na sede electrónica no apartado específico do presente proceso selectivo. Na mesma sede, se publicará o resultado coa lista de aspirantes que superaron o exercicio. No prazo de tres días hábiles a partir do seguinte á publicación do resultado e a plantilla, os aspirantes poderán presentarse alegacións a través da sede electrónica dirixidas ao tribunal cualificador con indicación precisa da proba e do proceso selectivo a que se refiren. As alegacións poderán entenderse contestadas mediante a publicación das listas de aprobados definitivos.

Non se admitirán alegacións fóra de prazo nin presentadas por calquera outro medio distinto do indicado.

Segundo exercicio: Proba de galego

Os/as concursantes que non acrediten a posesión da titulación de galego CELGA 3 participarán nunha proba eliminatória, destinada a avaliar un grao de coñecemento do galego equivalente ao conseguido coa obtención do CELGA 3

Estará exento/a desta proba quen acredite estar en posesión do CELGA 3, expedido polo órgano competente da Xunta de Galicia ou do seu equivalente.

O chamamento para a realización da proba será único.

Para á corrección desta proba designarase un funcionario/a do servizo de normalización lingüística do Concello de Narón, que actuará como experto/a.

A valoración desta proba será de “APTO” ou “NON APTO”.

FASE DE CONCURSO

A fase de concurso, que será posterior á de oposición, solo se valorarán aqueles aspirantes que tivesen superada a fase de oposición.

se valorará cun máximo de 40 puntos do seguinte xeito:

1. Méritos: puntuación máxima 40 puntos
- 1.1 Valoración do traballo desenvolvido: Valoraranse o desempeño dos postos de traballo nos 4 anos inmediatamente anteriores á data de finalización do prazo de presentación de solicitudes, calquera que sexa a forma de ocupación prevista regulamentariamente dentro do mesmo subgrupo de clasificación; mesma categoría e especialidade, no seu caso, ata un máximo de 30 puntos , segundo a distribución seguinte:
- 1.1.1 Por cada mes completo de desempeño de posto de traballo no servizo/sección/departamento funcional do posto convocado no mesmo subgrupo, escala, Subescala, clase e especialidade ou categoría equivalente (contrato laboral), no seu caso da praza que se convoca na Administración Local : **0,70 puntos (máximo 30)**.
- 1.1.2 Por cada mes completo en servizo/sección/departamento funcional distintas do posto que se convoca dentro do mesmo subgrupo, escala, subescala, clase e especialidade, ou categoría equivalente (contrato laboral) no seu caso da praza que se convoca na Administración Local : **0,35 (máximo 15)**:
- 1.1.3 Por cada mes completo no servizo/sección/departamento funcional do posto convocado no mesmo subgrupo, escala, subescala, clase e especialidade , categoría equivalente (contrato laboral) no seu caso da praza que se convoca en Administración Pública distinta da local : **0,20 puntos (máximo 8)**.
- 1.2 Cursos de formación e perfeccionamento: Puntuación máxima: 10 puntos.
- Só se valorará os cursos realizados e acreditados nos 10 anos inmediatamente anteriores á data de finalización do prazo de presentación de solicitudes.
- Só serán avaliábles os cursos directamente relacionados coas tarefas e funcións propias do posto de traballo ao que se opta incluíndo aqueles de formación xeral en procedemento administrativo, seguridade no traballo, igualdade e informática de xestión, organizados e convocados por Administracións Públicas territorial e institucional así como por Universidades públicas e universidades privadas, neste suposto, sempre que a formación acredite créditos oficiais (ETCS) .

Non será avaliable a titulación académica requirida para o acceso ao subgrupo/grupo profesional

As titulacións académicas de grao; máster ou postgrao relacionadas coas funcións do posto de traballo, non comprendidas non apartado anterior, deberán referir o programa de formación así como os créditos ETCS ou equivalentes, no seu defecto, horas de formación. En caso de non quedar documentar créditos ou horas, non se procederá a súa valoración

Os cursos que non acrediten o número de horas ou no seu caso o número de créditos ETCS; contido ou programa da formación, non poderán ser valorados

A valoración farase de acordo ao seguinte baremo

1.2.1	Por cursos con duración de 15 a 20 horas	0,40 puntos
1.2.2	Por cursos con duración de 21 a 40 horas	0,70 puntos
1.2.3	Por cursos con duración de 41 horas a 99 horas	1 puntos
1.2.4	Por cursos/títulos con duración de mais de 100 horas ou 4 ETCS	3,5 puntos

Non se poderá acumular a puntuación por recibir ou impartir o mesmo curso, agás se acredite que se trata de reedicións actualizadas.

Sexta- Proposta de Resolución do proceso selectivo

Concluído o proceso selectivo o Tribunal propondrá á Alcaldía-Presidencia que se adxudiquen as prazas e os postos de traballo aos/ás candidatos/as que obtivesen maior puntuación segundo a puntuación final do proceso selectivo, sumados os resultados finais de ambas as fases.

O prazo máximo para a resolución do proceso selectivo será de tres meses contados desde o día seguinte ao da finalización da presentación de solicitudes, podendo prorrogarse por un mes máis a proposta do tribunal.

A adxudicación do posto na presente convocatoria producirá o cesamento no posto de traballo de quen o viñese desempeñando

Sétimo- Creación dunha lista de reserva e lista de espera.

Unha vez finalizado o proceso selectivo para a cobertura definitiva de prazas como funcionaria/o de carreira, a relación de aspirantes que tivesen superado o proceso selectivo pero respecto aos cales non se formulara proposta de nomeamento por non alcanzar o número das prazas ofertadas, poderá ser nomeados funcionarios/as de carreira, nos supostos previstos na base décima das bases xerais 2023 que rexen este proceso selectivo.

Ademais, se formará unha lista de espera , aos solos efectos de chamamentos en postos interinos, cos opositores que tivesen aprobado o exame da oposición . A orde na lista de espera será polo total de puntuación obtida no exame da oposición, en caso de empate, o que teña maior puntuación no concurso. Esta lista de espera, terá carácter preferente sobre calquera outra que poida existir con anterioridade para futuros nomeamentos interinos nos términos establecidos na base décimo sexta das bases xerais 2023 que rexen o presente proceso selectivo.

ANEXO I**TEMARIO PRAZA OFICIAL ELECTRICISTA****Grupo I.-**

1. A Constitución española de 1978. Estrutura e principios xerais. Os dereitos fundamentais e as liberdades públicas na Constitución.
2. Estatuto de Autonomía de Galicia. Os poderes públicos de Galicia. Competencias
3. Lei 7/1985 de 2 de abril, reguladora de bases de réxime local : a organización nos municipios de réxime común e competencias
4. Lei 7/1985, do 2 de abril, reguladora de bases de réxime local. O municipio. Elementos. Territorio e poboación
5. Lei orgánica 3/2007 de 22 de marzo de igualdade efectiva de mulleres e homes. Título II : políticas públicas para á igualdade
6. O persoal ao servizo das entidades locais
7. Xornadas de traballo, permisos, licencias e vacacións do persoal funcionario en Galicia.
8. Lei 3/2018 de 5 de decembro de protección de datos persoais e garantía dos dereitos dixitais: principios de protección de datos. Dereitos das persoas
9. Regulamento de organización administrativa xeral do Concello de Narón: estrutura administrativa. Áreas administrativas
10. Coñecemento do termo municipal: lugares, parroquias e edificios públicos

Grupo II

11. Regulamento Electrotécnico para Baixa Tensión REBT: Instalacións de enlace. Partes e características das mesmas. Caixas xerais de protección. Línea xeral de alimentación e derivación individual. Definición, instalación e cables. Contadores, ubicación e sistemas de instalación. Dispositivos xerais e individuais de mando e protección.
12. Regulamento Electrotécnico para Baixa Tensión REBT: Instalacións con fins especiais. Piscinas e fontes. Instalacións provisionais e temporais de obras. Feiras e stands. Infraestrutura para recarga de vehículos eléctricos.
13. Instalacións especiais. Conceptos básicos. Prescricións xerais e clasificación das seguintes instalacións: Instalacións en piscinas, instalacións en fontes, instalacións de iluminación navideña, instalacións provisionais e temporais de obras. Feiras e stands. Instalacións de piscinas, fontes. Instalacións a pequenas tensións e a tensións especiais.
14. Componentes dunha instalación eléctrica de baixa tensión. Conductores e cables eléctricos. Tipos, designación e cores distintivos. Cálculos, previsión de carga e seccións de conductor. Elementos de protección eléctrica: tipos, cálculo, instalación, funcionamento e revisión. Normativa aplicable.
15. Regulamento de eficiencia enerxética en instalacións de iluminación exterior Real Decreto 1890/2008 de 14 de novembro de 2008. ITC-EA 04 Componentes das instalacións. Lámparas, luminarias, equipos auxiliares, sistemas de accionamento e sistemas de regulación do nivel luminoso.
16. Reglamento Electrotécnico para Baixa Tensión REBT e Guía Técnica de aplicación: Instalacións de iluminación exterior.
17. Instalacións de iluminación exterior pública. Redes eléctricas aéreas e subterráneas. Elementos componentes, materiais e execución das instalacións. Ruas peonís, tráfico rodado e instalacións deportivas. Criterios de deseño e cálculo de instalacións, niveis recomendados. Cálculos eléctricos e luminotécnicos. Lámparas, luminarias e equipos auxiliares das mesmas. Proceso de comprobación de parámetros. Mediciones.
18. Instalacións de iluminación interior: criterios de deseño e cálculo de instalacións, niveis recomendados, iluminación directa e indirecta. Tipos de lámparas. Cálculos eléctricos e luminotécnicos. Mantemento e conservación. Normativa aplicable.
19. Tecnoloxía led. Requerimentos técnicos esixibles para luminarias de iluminación exterior. Fundamentos básicos. Componentes dun sistema led. Disipación térmica, sistemas ópticos. Drivers e fontes de alimentación. (CIE-IDEA outubro 2019)

20. Código Técnico da Edificación (CTE): Documento básico HE. Ahorro de enerxía. Eficiencia enerxética das instalacións de iluminación. Contribución fotovoltaica mínima de enerxía eléctrica.

(Calesquera referencia normativa dos temarios se entende referida ás disposicións legais vixentes na data do exame).

Narón, 8 de novembro de 2024

A alcaldesa

Marian Ferreiro Díaz

2024/7981